

DASAR PENERBITAN
- UNIVERSITI TEKNIKAL MALAYSIA MELAKA -

KANDUNGAN

1.0	Tujuan	1
2.0	Tafsiran	1
3.0	Fungsi Penerbit Universiti	2
4.0	Hak Penerbitan Universiti	2
4.1	Hak Penerbitan Bahan Ilmiah dan Buku Umum	2
4.2	Hak Penerbitan Item Promosi	2
4.3	Hak Penerbitan Bahan Multimedia	2
4.4	Hak Penerbitan Digital	3
4.5	Hak Untuk Memasarkan	3
5.0	Jenis Penerbitan Universiti	3
6.0	Penggunaan Logo Universiti	4
7.0	Penggunaan No. ISBN/e-ISBN/ISSN/e-ISSN dan Data PDP	4
8.0	Bayaran Hasil Penulisan	4
9.0	Pelupusan Bahan Terbitan	4
10.0	Alamat Surat-Menyurat	5
11.0	Lain-Lain	5

DASAR PENERBITAN UNIVERSITI TEKNIKAL MALAYSIA MELAKA

1.0 TUJUAN

Dasar Penerbitan Universiti Teknikal Malaysia Melaka (selepas ini dirujuk sebagai 'Dasar') ini digubal bagi memberi penjelasan mengenai tatacara penerbitan bahan ilmiah, bahan umum, item promosi, multimedia dan penerbitan digital Universiti selaras dengan peruntukan Perlembagaan Universiti Teknikal Malaysia Melaka P.U.(A) 470/2010 dibaca bersama P.U.(A) 399/2012.

Dasar ini juga sebagai dokumen rujukan kepada seluruh warga Universiti bagi melicinkan operasi Penerbit Universiti serta sebagai aspek kawal selia setiap produk dan perkhidmatan Penerbit Universiti agar berada pada tahap yang terbaik.

2.0 TAFSIRAN

Dalam dokumen ini, melainkan jika konteksnya menghendaki makna yang lain-

'Bahan Ilmiah' ertinya Karya Asli, Jurnal, Buku Teks, Karya Terjemahan, Karya Suntingan, Monograf, Syarahan Umum dan Modul Pengajaran dan Pembelajaran;

'Bahan Umum' ertinya buku panduan akademik Fakulti/PTj, buletin, buku polisi PTj, karya kreatif dan lain-lain terbitan selain daripada Bahan Ilmiah;

'Penerbit Universiti' ertinya Penerbit Universiti, Universiti Teknikal Malaysia Melaka;

'Penulis' ertinya penulis manuskrip dalam kalangan Staf Universiti;

'Penulis Bersama' ertinya kolaborasi di antara Penulis dengan Penulis atau Penulis dengan Penulis Luar;

'Penulis Luar' ertinya penulis manuskrip bukan dalam kalangan Staf Universiti;

'PTj' ertinya Pusat Tanggungjawab di bawah Universiti Teknikal Malaysia Melaka;

'Staf' ertinya semua pekerja Universiti Teknikal Malaysia Melaka; dan

'Universiti' ertinya Universiti Teknikal Malaysia Melaka.

3.0 FUNGSI PENERBIT UNIVERSITI

- 3.1 Penerbit Universiti merupakan sebuah PTj yang berfungsi untuk menerbitkan bahan ilmiah, bahan umum, penerbitan grafik, penerbitan multimedia, penerbitan digital dan pemasaran.
- 3.2 Menjadi platform untuk staf dan penulis luar menyalurkan hasil penulisan untuk diterbitkan.
- 3.3 Beroperasi sebagai sebuah PTj yang turut menjana pendapatan daripada penjualan buku dan produk lain.
- 3.4 Menawarkan khidmat kepakaran berkaitan perkhidmatan yang ditawarkan oleh Penerbit Universiti.
- 3.5 Mengadakan program-program pembangunan kemahiran penerbitan kepada staf dan pihak luar bagi memberi galakan di dalam penghasilan penerbitan.

4.0 HAK PENERBITAN UNIVERSITI

4.1 Hak Penerbitan Bahan Ilmiah dan Bahan Umum

- 4.1.1 Semua Staf boleh menerbitkan penulisan melalui Penerbit Universiti sama ada secara individu atau dengan Penulis Bersama.
- 4.1.2 Penulis Luar yang memenuhi kriteria penerbitan Universiti boleh memohon untuk menerbitkan penulisan mereka dengan Penerbit Universiti mengikut garis panduan yang ditetapkan.
- 4.1.3 Manuskrip yang dihantar bagi tujuan diterbitkan oleh Penerbit Universiti adalah hak mutlak Universiti. Penulis tidak boleh menghantar manuskrip yang sama untuk diterbitkan oleh pihak lain selagi keputusan penolakan tidak dibuat oleh Universiti.
- 4.1.4 Penerbit Universiti adalah pemilik hak cipta bagi setiap terbitannya. Mana-mana penerbitan yang telah diterbitkan dengan menggunakan peruntukan Universiti akan mempunyai *imprint* '©Universiti Teknikal Malaysia Melaka'.
- 4.1.5 Hak cipta penerbitan Penerbit Universiti boleh diperdagangkan menerusi penjualan hak cipta kepada mana-mana penerbit luar negara melalui perjanjian hak cipta.

4.2 Hak Penerbitan Item Promosi

Semua hasil reka letak dan reka bentuk Penerbit Universiti adalah hak milik Universiti dan tidak dibenarkan disalin dan disunting semula, disebarikan atau diberi milik kepada entiti lain tanpa kebenaran Penerbit Universiti.

4.3 Hak Penerbitan Multimedia

- 4.3.1 Semua bahan penerbitan multimedia tidak dibenarkan untuk dijual, disewa, disalin semula, disunting semula, disebarikan atau diberi milik kepada entiti lain tanpa kebenaran Penerbit Universiti.
- 4.3.2 Bahan yang terkandung di dalam penerbitan multimedia adalah hak milik Universiti Teknikal Malaysia Melaka dan akan mempunyai logo '©Universiti Teknikal Malaysia Melaka' di akhir penerbitan video.

4.4 Hak Penerbitan Digital

- 4.4.1 Penerbitan digital tidak dibenarkan untuk dijual, disewa, dipindahkan, dipatenkan, dipinjamkan, disebarikan atau diberi milik kepada entiti lain sama ada sebahagian peralatan yang dibekalkan atau keseluruhan komponen lengkap tanpa kebenaran Penerbit Universiti.
- 4.4.2 Semua bahan yang terkandung di dalam penerbitan digital akan mempunyai *imprint* '©Universiti Teknikal Malaysia Melaka'.

4.5 Hak Untuk Memasarkan

- 4.5.1 Penerbit Universiti berhak untuk mempromosi, memasarkan dan menjual semua jenis produk Penerbit Universiti melalui saluran-saluran di bawah seliaannya.
- 4.5.2 Penerbit Universiti berhak melantik mana-mana ejen, pengedar atau kontraktor dalam dan luar negara yang berpotensi.
- 4.5.3 Penerbit Universiti atau mana-mana ejen, pengedar atau kontraktor yang dilantik mempunyai hak untuk mempromosi, mengedar dan menjual produk yang diterbitkan.

5.0 JENIS PENERBITAN

5.1 Semua hasil penerbitan yang dibuat hendaklah-

- a. Memenuhi keperluan pengajaran dan pembelajaran;
- b. Mencerminkan kepakaran Staf bagi penerbitan Bahan Ilmiah;
- c. Mencerminkan kecemerlangan serta kebitaraan Universiti;
- d. Memberi faedah kepada bidang dan masyarakat dalam penerbitan ilmiah dan kreatif; dan
- e. Tidak bercanggah dengan Akta Hak Cipta 1987 dan mematuhi Akta Mesin Cetak dan Penerbitan 1984 dan tidak bertentangan dengan dasar Kerajaan Malaysia dan Universiti.

5.2 Klasifikasi penerbitan yang ditawarkan oleh Penerbit Universiti adalah seperti berikut-

- a. Penerbitan bahan ilmiah dan bahan umum;
- b. Penerbitan bahan promosi dan upacara/majlis;
- c. Penerbitan multimedia; dan
- d. Penerbitan digital.

- 5.3 Bidang fokus penerbitan Universiti adalah seperti berikut-
- a. Karya Kejuruteraan;
 - b. Karya Teknologi Maklumat dan Komputer;
 - c. Karya Pengurusan Teknologi dan Teknousahawan;
 - d. Karya Pembangunan Insan;
 - e. Karya Kreatif; dan
 - f. Termasuk karya-karya bidang yang menjadi teras tumpuan yang akan diperkenalkan oleh Universiti pada masa akan datang.

6.0 PENGGUNAAN LOGO UNIVERSITI

Logo Universiti tidak boleh digunakan oleh mana-mana pihak tanpa terlebih dahulu mendapat kelulusan Universiti untuk sebarang tujuan penerbitan.

7.0 PENGGUNAAN NO. ISBN/e-ISBN/ISSN/e-ISSN DAN DATA PDP

Penerbit Universiti bertanggungjawab terhadap permohonan No. ISBN/e-ISBN/ISSN/e-ISSN dan data PDP bagi semua jenis penerbitan Universiti.

8.0 BAYARAN HASIL PENULISAN

Semua penerbitan buku termasuk karya kreatif dan e-book kecuali Jurnal, Prosiding dan penerbitan umum layak mendapat bayaran royalti/honorarium pada kadar yang diluluskan oleh Universiti.

9.0 PELUPUSAN BAHAN TERBITAN

- 9.1 Jika pada bila-bila masa selepas tujuh (7) tahun diterbitkan, karya tersebut tidak lagi mendapat jualan yang lumayan, Penerbit Universiti berhak menjualnya pada harga kos penerbitan atau dijadikan sebagai naskhah hadiah.
- 9.2 Sekiranya selepas sepuluh (10) tahun, masih terdapat lagi stok berkenaan maka Penerbit Universiti boleh dengan kelulusan Universiti melupuskan naskhah yang berlebihan itu tanpa perlu memberi penjelasan kepada Penulis yang memetrai Perjanjian Penerbitan dengan Universiti.
- 9.3 Pelupusan naskhah yang dibuat oleh Universiti hendaklah berpandukan Tatacara Pelupusan Universiti yang berkuat kuasa.
- 9.4 Bahan multimedia yang telah diterbitkan selepas tempoh satu (1) tahun akan diarkibkan.

10.0 ALAMAT SURAT-MENYURAT

Semua permohonan bagi tujuan penerbitan hendaklah dimajukan kepada Penerbit Universiti berserta Borang Perkhidmatan Penerbit Universiti dan borang-borang berkaitan ke alamat berikut-

Pengarah
Penerbit Universiti
Universiti Teknikal Malaysia Melaka
Hang Tuah Jaya
76100 Durian Tunggal
Melaka

11.0 LAIN-LAIN

- 11.1 Dasar ini hendaklah dibaca bersama dengan Garis Panduan Penerbitan Universiti Teknikal Malaysia Melaka.
- 11.2 Dasar Penerbitan Universiti Teknikal Malaysia Melaka adalah tertakluk kepada pindaan oleh pihak Universiti dari semasa ke semasa.